



Fylkesmennene
Kommunane

Postadresse: Postboks 8140 Dep.
NO-0033 Oslo, Norway
Besøksadresse: Stortingsgt. 28

Telefon: +47 24 13 10 00
Telefaks: +47 24 13 10 05
E-post: postmottak@slf.dep.no
Internett: www.slf.dep.no

Kontaktperson: For kommunen: Fylkesmannen

Org.nr.: NO 981 544 315 MVA
Bankkonto: 7694 05 02280

For fylkesmannen:
Sverre Saxebøl (24131199), Cathrine Grasdalen (24131075),
Jan-Endre Aasmundtveit (24131039), Ragnhild Williksen
(24131174), Sten Erik Knive (24131022), Jon Løyland
(24131083), og Ragnhild Skar (24131151).

For spørsmål om trekk i RMP Anne Kjersti Narmo, e-post til
anne.kjersti.narmo@slf.dep.no

Vår dato: 30.01.2009

Vår referanse: 200900001 – 6

Rundskrivet erstatter:

Vedlegg: 1

Kopi til: LMD, NB, NBS

Utbetaling av produksjonstilskot i jordbruket etter søknad med frist 20.8.2008

Utbetaling av tilskot etter søknad med frist 20. august 2008 skjer onsdag 4. februar. Søkjar vil normalt ha pengane på konto innan fredag 6. februar. Statens landbruksforvaltning vil òg informere om utbetalinga på www.slf.dep.no.

Einskilde søknader må vurderast nærare av kommunen før vedtak vert fatta. For meir informasjon om slike søknader og søknader som er avslått, sjå nedanfor under kapitla 4 og 5. I samband med handsaming av klager syner vi til retningslinjer som er gjevne i rundskriv 22/2008 (kommentarar til forskrifta) og 23/2008 (sakshandsaming).

Etter den sentrale utbetalinga startar arbeidet med utbetaling etter rettingar og klager (manuell handsaming). Ajourhaldsrutina for manuelle utbetalingar av produksjonstilskot er klar for bruk og vert etter planen sett i drift måndag 9. februar. For meir informasjon, sjå kapittel 7.

Denne utbetalinga omfattar fylgjande ordningar:

- arealtilskot
- kulturlandskapstilskot
- omleggingstilskot til økologisk landbruk
- arealtilskot til økologisk landbruk
- tilskot til dyr på utmarksbeite
- tilskot til dyr på beite
- tilskot til husdyr
- tilskot til økologisk husdyrproduksjon
- driftstilskot til mjølkeproduksjon
- driftstilskot til spesialisert kjøttfeproduksjon

Det vert samtidig utbetalt kompensasjon for bortfall av produksjonstilskot til dei føretaka som deltek i tiltaket 'Friskere geiter', sjå kapittel 2 for meir informasjon om dette.

Innhald

1. VEDTAK OG UTBETALING.....	3
2. SATSAR OG UTREKNINGSREGLAR.....	3
Tilskot til husdyr	4
Tilskot til dyr på beite	4
Driftstilskot til mjølkeproduksjon	5
Driftstilskot til spesialisert kjøttproduksjon	5
Areal- og kulturlandskapstilskot	5
Tilskot til økologisk landbruk	6
Reduksjonar i tilskot	7
Utrekning av tilskot til føretak som har slakta ned heile buskapen grunna veterinære restriksjonar (dispensasjonskode 13 eller 14)	8
Utbetaling av vederlag til føretak som deltek i prosjektet 'Friskere geiter'	8
3. KRAV OM REGISTRERING I EININGSREGISTERET OG STORLEIK PÅ OMSETNAD.....	8
4. SØKNADER SOM ER AVSLÅTT OG AVVIST	8
5. SØKNADER SOM ER STOPPA.....	9
6. TREKK I UTBETALINGAR	10
Handsaming av søknad om tilskot for føretak som også har søkt om tilskot til regionalt miljøprogram	10
7. UTBETALINGAR I ETTERKANT AV SENTRAL UTBETALING (MANUELLE UTBETALINGAR)	11
Hjelpeutrekning.....	11
Frist for registrering av saker	12

1. Vedtak og utbetaling

Alle søkjarar med registrert søknad mottek eit sentralt produsert tilskotsbrev som informerer om kommunen sitt vedtak og syner grunnlaget for utrekning av tilskot, satsar og utbetalt beløp. Kopi av alle tilskotsbrev i kommunen, liste PT-2230, er tilgjengeleg i WESPA. Sjå òg lista som syner utbetalt beløp, PT-5040. Tilskotsbrev er sende til den adressa som føretaket/bedrifta har i Einingsregisteret. Pengane vert overført til den kontoen som er ført opp i søknaden eller til ny konto dersom forvaltninga har fått melding om dette. Dersom søkjar har skifta konto etter at søknaden vart sendt inn, men gløymt å gje melding til forvaltninga, vil utbetalt beløp gå til kontoen som er oppført på søknaden. Bankane har ulik praksis med omsyn til korleis dette vert handsama. I nokre tilfelle vil banken overføre beløpet til kunden sitt nye kontonummer, og i andre tilfelle vert beløpet returnert til Statens landbruksforvaltning. I slike tilfelle kan vi ikkje setje i verk ny utbetaling av tilskot før beløpet er returnert til oss, og søkjar har gjeve *skrifleg* opplysning om nytt kontonummer. Be søkjarane bruke skjema for endring av kontonummer (SLF-056). Dette skjemaet ligg som vedlegg i rettleiingsheftet om produksjonstilskot i jordbruket og er å finne på www.slf.dep.no.

2. Satsar og utrekningsreglar

Etter jordbruksavtala 2008-2009 er maksimalt årleg beløp for tilskot til husdyr for kvart føretak 240 000 kroner. Det er unntak for samdrifter i mjølkeproduksjon som søkte SLF om godkjenning før 1. juli 2004 og starta opp innan 31. desember 2005. Maksimalbeløpet er her 250 000 kr for kvart føretak. Ved utbetaling av tilskot til husdyr etter søknad pr. 1. januar 2009 vert tilskotet avgrensa slik at utbetalt tilskot i alt for augustomgangen 2008 og januaromgangen 2009 ikkje vert meir enn maksimalbeløpet. Merk at tilskot til økologisk husdyrproduksjon ikkje skal reknast inn i maksimalt årleg beløp for tilskot til husdyr.

Landbruks- og matdepartementet (LMD) har fastsett satsane for utbetaling av tilskot for augustomgangen 2008. Med unntak av sats for kulturlandskapstilskot er endeleg sats lik dei førebelse satsane i jordbruksavtala. Sjå òg rettleiingsheftet om produksjonstilskot i jordbruket ved søknadsomgangen 20. august 2008 og 20. januar 2009.

For nokre føretak må ammekyrne vere av minst 50% kjøttferase for at det kan gis tilskot som ammeku. Dette gjeld føretak:

- der eigar/medeigar av føretaket også er deltakar i samdrift i mjølkeproduksjon
- som driv storfekjøttproduksjon på eigedom eid heilt eller delvis av deltakar i samdrift i mjølkeproduksjon
- som driv storfekjøttproduksjon på eigedom hvor anna føretak driv mjølkeproduksjon

Kva rasar som er godkjende som kjøttferase står i rettleiingshefte, men med tillegg av kjøtt-simmental jf. rundskriv 35/2008.

Tilskot til husdyr

Dyreslag	Intervall	Sats i kr/dyr ¹
Mjølkeku	1-16	1670
	17-25	792
	26-50	198
Ammeku	1-16	1670
	17-25	1670
	26-50	500
Storfe	1-250	393
Mjølkegeit og mjølkesau ²	1-125	560
	126-250	206
Avlsgris - Sør-Noreg - Nord-Noreg	1-35	457
	1-35	601
Verpehøner og avlsdyr av ender, kalkunar og gjæser - Sør-Noreg - Nord-Noreg - landet	1-1 000	6
	1-1 000	13
	1 001-5 000	6
	1 001-5 000	6

Tilskot til dyr på beite

Utmarksbeitetilskot Dyreslag		Sone	Minimum tal veker på beite	Sats i kr pr dyr
Kyr, storfe, hestar	Alle dyr	Alle	8	250
Sauer, lam, geiter og kje	Alle dyr	Alle	8	85
Beitetilskot Dyreslag				
Kyr, storfe, hjort og hest	Alle dyr	1-4	16	250
Kyr, storfe, hjort og hest	Alle dyr	5-7	12	250
Sau, lam, geit og kje	Alle dyr	1-4	16	35
Sau, lam, geit og kje	Alle dyr	5-7	12	35

Tilskot til dyr på beite kan ikkje gjevast for fleire dyr enn det føretaket disponerte 31.7.2008.

¹ Satsen er 0 kr/dyr utafør dei intervalla som er med i tabellen

² Føresetnad for tilskot til mjølkesau er at det kan dokumenterast at mjølka vert nytta som råstoff ved lokal foredling

Driftstilskot til mjølkeproduksjon

	5 kyr eller meir pr. føretak, kr/føretak	4 kyr pr. føretak, kr/føretak	3 kyr pr. føretak, kr/føretak	2 kyr pr. føretak, kr/føretak	1 ku pr. føretak, kr/føretak
<i>Kumjolk, Sør-Noreg</i>	32 900	26 320	19 740	13 160	6 580
<i>Kumjolk, Oslo-fjorden¹⁾</i>	35 350	28 280	21 210	14 140	7 070
<i>Kumjolk, Nord-Noreg</i>	35 800	28 640	21 480	14 310	7 160
		<i>Ved 27 geiter eller fleire pr. føretak, kr/føretak</i>		<i>Redusert utbetaling pr. geit når det er færre enn 27 geiter pr. føretak, kr/geit</i>	
<i>Geitmjolk</i>		35 800		1 326	

1) Gjeld fylka Østfold, Vestfold, Oslo, Akershus og kommunane Røyken, Hurum, Lier og Drammen i Buskerud

For samdrifter som er godkjende av Statens landbruksforvaltning før 1. juli 2004 eller som søkte SLF om godkjenning før 1. juli 2004 og starta opp innan 31. desember 2005 er tilskotet fylgjande:

<i>kumjolk, Sør-Noreg:</i>	<i>2 medlemar:</i>	47 400 kr
	<i>3 eller fleire medl.:</i>	56 850 kr
<i>kumjolk, Oslo-fjorden:</i>	<i>2 medlemar:</i>	52 400 kr
	<i>3 eller fleire medl.:</i>	64 350 kr
<i>kumjolk, Nord-Noreg</i>	<i>2 medlemar:</i>	52 400 kr
<i>og geit, heile landet:</i>	<i>3 eller fleire medl.:</i>	64 350 kr

Driftstilskot til spesialisert kjøtfeproduksjon

Tilskot er 820 kr pr. ammeku, rekna frå første ammeku, for føretak med 6 til 50 ammekyr, og 41 000 kr pr. føretak for føretak med 50 eller fleire ammekyr.

Areal- og kulturlandskapstilskot

<i>Vekst</i>	<i>Intervall</i>	<i>Sone - Sats i kr/ daa</i>						
		<i>1</i>	<i>2</i>	<i>3</i>	<i>4</i>	<i>5</i>	<i>6</i>	<i>7</i>
<i>Kulturlandskapstilskot</i>	<i>Alt areal</i>	191						
<i>Satsar arealtilskot:</i>								
<i>Grovfôr</i>	<i>0-200</i>	75	0	99		208	236	266
<i>Grovfôr</i>	<i>Over 200</i>	50	0	50				
<i>Korn</i>	<i>0-800</i>	107	159		247			
<i>Korn</i>	<i>Over 800</i>	96	146		232			
<i>Potet</i>	<i>Alt areal</i>	50					900	
<i>Grønsaker</i>	<i>0-60</i>	400					1500	
<i>Frukt og bær</i>	<i>0-40</i>	550			800		1150	

Merk at den maskinelle avkortinga av grovfôrareal i enkelte høve er noko streng. Føretak som driv mjølkeproduksjon i samdrift kan få areal- og kulturlandskapstilskot for grovfôrareal som vert beita av samdrifta sine dyr (dispensasjonskode 31.) Ved den maskinelle utrekninga av tilskot vert det utrekna tilskot for innmarksbeiteareal (kode 212 i søknad). I enkelte høve vert anna grovfôrareal (kode 210 eller 211 i søknad) avkorta fordi det ikkje er seld så mykje fôr at søkjer har rett på tilskot for heile arealet. Om anna grovfôrareal er nytta som beite for samdrifta sine dyr, har søkjar òg rett på tilskot for dette arealet, sjølv om dei maskinelle rutinane ikkje får dette med i utrekninga av tilskot.

Arealtilskotet vert rekna ut etter den sonen arealet er i. For grovfôr, korn, grønsaker, frukt og bær er det ulik sats etter kor stort areal føretaket disponerer av denne veksten. Tilskot vert rekna ut etter kor stor del av arealet av aktuell vekst som er i kvar sone.

Døme:

Eit føretak disponerer 500 daa grovfôr, 200 daa (= 40 %) i sone 2 og 300 daa (= 60 %) i sone

5. Arealtilskot vert utrekna slik:

0-200 daa, sone 2:	80 daa (= 40 %) à 0 kr/daa	= 0
” , sone 5:	120 daa (= 60 %) à 208 kr/daa	= 24 960 kr
over 200 daa, sone 2:	120 daa (= 40 %) à 0 kr/daa	= 0
” , sone 5:	180 daa (= 60 %) à 50 kr/daa	= 9 000 kr
Arealtilskot i alt		33 960 kr

I vedlegg til rundskrivet er det gjeve eit døme på utrekning av grovfôrareal det kan gjevast tilskot for når arealet vert avgrensa.

Tilskot til økologisk landbruk

Vekst Dyreslag	Omleggingstilskot, kr pr. daa	Arealtilskot, kr pr. daa	Tilskot til økologisk husdyrproduksjon, kr pr. dyr ¹	
			AK-sone 1-4	AK-sone 5-7
Grønsaker, frukt og bær	250	1000		
Poteter	250	500		
Korn til modning og krossing	250	300		
Grøngjødsling	250	500 ²		
Innmarksbeite ³	0	75		
Anna areal som vert dyrka økologisk	250	75		
Mjølkeku			775	901
Ammeku			497	685
Andre storfe			150	217
Mjølkegeit,			35	45
Avlsgris			150	150
Slaktegris			200	200

¹ Tilskotet vert gjeve frå og med første søknadsomgangen etter at omlegging startar

² Arealtilskot for inntil 50 % av areal til korn, potet, grønsaker, frukt og bær. I tillegg vert det gjeve 191 kr/daa i kulturlandskapstilskot for økologiske grøngjødslingsarealer, slik at samla tilskot til grøngjødslingsarealer er 691 kr/daa

³ Arealet skal normerast med faktor 0,6

For å ha rett til tilskot til økologisk landbruk, må føretaket være inspisert av Debio, og produksjonen må være godkjent som 'under omlegging til økologisk drift' (karens) eller 'lagt om til økologisk drift'. Debio kontrollerer at produksjonen følgjer reglane i forskrift om økologisk produksjon og merking av økologiske landbruksprodukt og næringsmiddel, men det er kommunen som godkjenner areal og tal dyr søkjar kan få tilskot for.

Alle søkjarar som klagar på vedtaket, og meiner at dei har krav på meir tilskot til økologisk landbruk enn dei får ved den sentrale utbetalinga, må dokumentere at dei har produksjonar som er godkjende av Debio i 2008. Sjå òg www.debio.no, ”oversikter og rapporter”. Merk at kravet om kart som vedlegg til søknad om omleggingstilskot òg gjeld for klager.

Omleggingstilskot

Omleggingstilskot gis for kvart karensår. Ved utbetalinga no vil tilskotet gjevast for areal der omlegginga starta i perioden 1. januar til og med 31. juli 2008 og for areal der omlegging starta i 2007.

Omleggingstilskotet gjevast uavhengig av vekst i omleggingsperioden. Eng- og beiteareal i karens (ført opp i kode 850 i søknaden) vert ikkje avgrensa før utrekning av omleggingstilskotet. Eit føretak som t.d. disponerer 200 daa eng i karens (1. karensår), men korkje har grovfôrdyr eller sal av grovfôr, får omleggingstilskot for arealet, men ikkje areal- eller kulturlandskapstilskot.

Ved jordbruksoppgjæret 2007 vart kravet til minst fem års økologisk drift etter omlegging redusert til tre år. For føretak som allereie har fått omleggingstilskot etter den tidlegare ordninga gjeld kravet om minst fem års drift etter omlegging framleis, då søknaden vart løyvd på dette vilkåret. Dersom kommunen i slike tilfelle oppdagar at det er utbetalt omleggingstilskot for areal som ikkje er drive økologisk minst 5 år etter omlegging, må kommunen fatte vedtak om tilbakebetaling av omleggingstilskotet for dette arealet.

Arealtilskot

Arealtilskot gjevast for areal som er lagt om til økologisk drift. Ved søknadsomgangen 20. august 2008 vert det gjeve tilskot til areal som er godkjent som omlagt til økologisk seinast 31. juli 2008.

Hovudregelen er at arealtilskot til økologisk landbruk vert gjeve for same areal som areal- og kulturlandskapstilskot. Reglane for å avgrense grovfôrareal er dei same for økologisk og konvensjonelt dyrka grovfôrareal. Økologisk drive, brakka areal vert ikkje avgrensa, men har berre rett på arealtilskot, økologisk landbruk.

Reduksjonar i tilskot

Det vert trekt eit botnfrådrag, 3 000 kr pr. føretak pr. år, og så langt det er mogleg vert botnfrådraget trekt ved utbetalinga i februar. Det same gjeld reduksjon i tilskot grunna alder til innehavar av enkeltpersonføretak, der tilskotet vert redusert med 20 000 kr pr. år om innehavar er fødd 31. desember 1938 eller før.

Føretak som ikkje har miljøplan får tilskotet redusert slik:

Areal daa	Trekk
< 250	8 000
251 - 500	12 000
> 500	18 000

Avgrensing i produksjonstilskotet på grunn av manglande eller mangelfull miljøplan skjer på grunnlag av arealgrunnlaget i søknaden. Hugs å sjå om eit føretak har stort nok spreieareal til den husdyrproduksjonen føretaket driv. Dersom husdyrproduksjonen har eit omfang som krev større spreieareal enn det arealet føretaket disponerer, skal avgrensing av produksjonstilskotet skje på grunnlag av det arealet som er naudsynt som spreieareal.

Eventuell rest av botnfrådrag, reduksjon på grunn av alder til innehavar av enkeltpersonføretak og trekk grunna manglande miljøplan vert trekt ved utbetalinga i juni.

Minste beløp som vert utbetalt er kr 300. Gebyr ved direkte utbetalingskort er kr 100.

Lista PT-1040 syner alle føretak som ikkje har miljøplan og kva beløp som er utrekna som trekk, jf. forskrift om miljøplan.

Ved den sentrale utbetalinga, vil SLF setje i verk trekk for søknader som er levert for seint med 1000 kr pr. virkedag frå og med 21. august. Søknader som er levert 21. september eller seinare skal avvisast, med mindre føretaket etter særskilt søknad har fått dispensasjon frå søknadsfristen. Kommunane og fylkesmennene må sørge for at dette blir sett i verk òg ved utbetaling etter hovudutbetalinga (manuelle utbetalingar).

Utrekning av tilskot til føretak som har slakta ned heile buskapen grunna veterinære restriksjonar (dispensasjonskode 13 eller 14)

Sjå rettleiingsheftet kapittel 4.4.4 andre avsnitt og 4.7. Søknader frå føretak som har slakta ned husdyra som følge av veterinære restriksjonar med heimel i matlova før forskrift av 21. juli 2004 nr 1131 om erstatning etter offentlege pålegg og restriksjonar i plante- og husdyrproduksjon trådte i kraft 1. august 2004, skal vere merkte med dispensasjonskode 13 eller 14.

Ved utrekning av tilskot til føretak som har dispensasjonskode 13 eller 14, skal utrekna beløp for tilskot til dyr på utmarksbeite fordelast mellom tilskot til dyr på utmarksbeite og erstatning for tap av tilskot til dyr på utmarksbeite (beløpskode 22 og 76). *Erstatning for tapt tilskot til dyr på utmarksbeite er lik differansen mellom utrekna beløp på historisk grunnlag og utrekna beløp etter tal dyr for søknadsomgangen.*

Føretak som har dispensasjonskode 13 eller 14, har òg rett på kulturlandskapstilskot og arealtilskot til grovfôrareal som ikkje er nytta når årsaka til at arealet ikkje er nytta er nedslakting av dyr. Merk at det som står i rundskriv 69/2005, del A, kap 1.5.1 gjeld for alle søknadsomgangar frå og med 20. august 2002.

Utbetaling av vederlag til føretak som deltek i prosjektet 'Friskere geiter'

Deltakarar i tiltaket "Friskere geiter" får tilskot for dei dyra føretaket faktisk disponerar på teljedato. Føretaka skal få vederlag for tap av produksjonstilskot i tiltaksperioden, og det er fylkesmannen som utbetalar dette etter nærare reglar. Meir informasjon om utbetalinga kjem i eige brev til fylkesmannen i dei aktuelle fylka.

3. Krav om registrering i Einingsregisteret og storleik på omsetnad

Søkjaren sitt føretak må vere registrert i Einingsregisteret innan søknadsfristen og vere registrert som meirverdiavgiftspliktig innan søknadsfristen eller ha hatt samla omsetnad og uttak av avgiftspliktige varer og tenester på til saman minimum kr. 20 000 i løpet av dei siste 12 månadene før registreringsdato (i perioden 1. august 2007 – 31. juli 2008).

4. Søknader som er avslått og avvist

Søknader med feilmelding (jf. lista PT-1003)

635 *Søknaden er avslått, føretaket ikke opprettet innen søknadsfristen*

636 *Søknaden er avslått, føretaket ikke i MVA-registeret innen søknadsfristen*

vert avslått direkte, det vil seie at søkjarane mottek vedtak om avslag i tilskotsbrevet ved hovudutbetalinga av produksjonstilskot. Føretaka fyller ikkje grunnvilkåra i § 3 i forskrifta om å vere føretak innan søknadsfristen og vere registrert i Meirverdiavgiftsmanntalet innan søknadsfristen eller

ha hatt samla omsetnad og uttak av avgiftspliktige varer og tenester på til saman minimum 20 000 kr. i løpet av dei siste 12 månadene før registreringsdatoen.

Søknad frå føretak som ikkje var oppretta innan registreringsdato, får fylgjande vedtak i tilskotsbrevet:

”Søknad er avslått fordi føretaket ikkje var registrert i Einingsregisteret innan søknadsfristen 20. august 2008 jf. forskrift om produksjonstilskot i jordbruket § 3.”

Søknad frå føretak som ikkje var registrert i Meirverdiavgiftsmanntalet innan søknadsfristen, eller som ikkje har hatt samla omsetnad og uttak av avgiftspliktige varer og tenester på til saman minimum 20 000 kr. i løpet av dei siste 12 månadene før registreringsdatoen, får fylgjande vedtak i tilskotsbrevet:

”Søknad er avslått fordi føretaket verken var registrert som meirverdiavgiftspliktig innan søknadsfristen 20. august, eller har hatt samla omsetnad og uttak av avgiftspliktige varer og tenester på til saman minimum kr 20 000 i løpet av perioden 1.8.2007-31.7.2008, jf. forskrift om produksjonstilskot i jordbruket § 3.”

Søknader med feilmelding

650 *Mottatt dato er etter 20.09*

vert avvist direkte, og søkjarane får fylgjande vedtak i tilskotsbrevet:

”Søknaden er avvist fordi søknaden vart levert 21. september eller seinare. Det er ikkje innvilga dispensasjon frå søknadsfristen, jf. forskrift om produksjonstilskot i jordbruket §§ 9 og 10.”

Søknader med feilmelding

637 *Søknaden avslått av kommunen*

får ikkje tilskotsbrev ved utbetalinga. Kommunen må skrive vedtak om avslag dersom dette ikkje allereie er gjort.

Søknader med feilmelding

639 *Søknaden er avvist av kommunen*

får heller ikkje tilskotsbrev ved utbetalinga. Kommunen må skrive vedtak om avvising dersom dette ikkje allereie er gjort.

5. Søknader som er stoppa

Søknader som er stoppa frå den sentrale utbetalinga, må vurderast nærare før vedtak kan fattast og utbetaling eventuelt kan skje. Lista PT-1003 syner kva søkjarar dette gjeld og kva som er årsak til stopp. Dette gjeld søknader med meldingane:

907 *Kontrollskjema reg. mangler ord. søknadsskjema*

608 *Kontrollskjema er ikke registrert*

609 *Søknadsskjema feilmeldt, men ikke rettet*

610 *Kontrollskjema feilmeldt, men ikke rettet*

621 *Utbetaling stoppet pga ugyldig postnr/adresse*

623 *Stoppet pga pålagt nedslakting av husdyr*

645 *Søknaden stoppet av fylkesmannen*

646 *Pålagt kontroll er ikke utført*

Dei aktuelle søkjarane får tilsendt eit tilskotsbrev samtidig med at hovudutbetalinga går der dei vert varsla om at det er tilhøve ved søknaden som må undersøkjast nærare:

”Søknaden om produksjonstilskot pr. 31.07.08 er motteken av kommunen, men sakshandsaminga er ikkje avslutta grunna omstende som må undersøkjast nærare. Vedtak i saka vil bli sendt så snart søknaden er ferdig handsama.”

Ved vurderinga av slike søknader skal det takast utgangspunkt i forskrift om produksjonstilskot i jordbruket og situasjonen på registreringsdato, 31. juli 2008.

6. Trekk i utbetalingar

Føretak med trekk i utbetalinga på grunn av motrekning, utlegg, tidlegare for mykje utbetalt tilskot eller liknande, får dette spesifisert på tilskotsbrevet. Fylkesmannen har tilgang til lister på FM-sambandet som syner kven dette gjeld. Dersom fylkesmannen skal betale ut tilskot manuelt etter klage eller feil, må sakshandsamaren gjere seg kjend med desse listene på førehand. Der eit føretak har hefte i form av til dømes motrekning og utlegg, skal dette leggast inn i rutine for manuell utbetaling og effektuerast, jf. rettleiing.

PT880 Gjenstående trekk SLF/skjema

Desse trekk vert automatisk overførde til neste søknadsomgang. Dersom dei skal slettast, skal fylkesmannen gjere dette i trekkrutina i Saturn.

PT883 Innmeldte trekk

Lista viser søknader med trekk, som ikkje kjem til sentral utbetaling.

PT886 Gjenstående trekk, motrekningar/skatt/mva/utlegg

Lista viser søknader som er utbetalt, og storleiken på attståande trekk av mva/skatt/utlegg. Attståande trekk skal effektuerast i manuelle utbetalingar i inneverande periode, men vert ikkje overførte til neste søknadsomgang. Det er fordi det ikkje er høve til å motrekne i framtidige tilskot. Krav kan ikkje oppstå før søknadsfristen, og søknad må vere levert til kommunen.

For meir informasjon om trekk og motrekning syner vi til retningslinjer frå SLF som er gjevne i rundskriv 60/07 'Retningslinjer for saksbehandling ved feil utbetalt tilskudd etter erstatning'.

Handsaming av søknad om tilskot for føretak som også har søkt om tilskot til regionalt miljøprogram

Det vert gjennomført trekk i utbetalingar etter regionale miljøprogram. Føretak med trekk, som har søkt om både produksjonstilskot og regionalt miljøprogram, skal handsamast særleg av både SLF og fylkesmannen. SLF vil automatisk trekkje i utbetaling av tilskot til regionalt miljøprogram dersom eit føretak har attståande trekk i utbetalinga etter at heile produksjonstilskotet er trekt. Fylkesmannen må vente med å handsama klagesaker og manuelle utbetalingar i produksjonstilskot der det er attståande trekk og det skal utbetalast tilskot etter regionalt miljøprogram, til etter at RMP-tilskotet er utbetalt. Dette er naudsynt for å hindre at desse søkjarane får dobbelt trekk. Det vil ikkje verte gjennomført trekk i manuelle utbetalingar for regionale miljøprogram.

Dei føretaka som skal ha trekk i tilskot etter regionale miljøprogram, vil verte lista ut på ei eiga oversikt. Denne lista vil verte gjort tilgjengeleg på FM-sambandet. Etter den maskinelle utbetalinga av RMP-tilskota, vil det verte produsert ei ny liste som syner gjennomførte trekk i RMP-tilskot og eventuelle attståande summar som skal trekkjast ved manuelle utbetalingar av produksjonstilskot. Sjå også rundskriv 59/08 Utbetaling av tilskudd etter regionale miljøprogram, RMP 2008-1.

7. Utbetalinger i etterkant av sentral utbetaling (manuelle utbetalinger)

Det vert vist til rundskriv 23/2008 der saksbehandlingsrutinar er beskrive.

Etter den sentrale utbetalinga startar arbeidet med manuell behandling. Kommunen kan ta opp saker til behandling etter eige initiativ eller etter klage frå søkjaren, jf. forvaltningslova kap. VI. Dersom kommunen finn grunnlag for ei større utbetaling, skal det fattast eit vedtak som vert sendt søkjaren. I vedtaket skal kommunen grunngje kvifor søkjaren får høgare utbetaling. Kopi av vedtaket går til fylkesmannen som betaler ut.

Frå 2006 har produksjonstilskot og avløysartilskot blitt behandla i same saksbehandlingssystem. Søkjaren får vedtak om utbetaling av produksjonstilskot og av avløysartilskot i same vedtaket. Omgjering av vedtak og postering av utbetaling i saksbehandlingssystemet må derfor innehalde berekning av både produksjonstilskot og avløysartilskot elles blir rapportering om utbetalinga til skattekontoret feil. Dette gjeld sjølv om det t.d. er feil berre i avløysartilskotet. Utrekning og utbetaling av tilskot for neste søknadsomgang kan òg bli feil.

Kommunen må gå gjennom listene som SLF har produsert ved den sentrale utbetalinga. Eventuelle feil i utbetalinger må rettast. Utbetaling av tilskot bør prioriterast fordi det kan vere viktig for føretaka det gjeld. Høgast prioritet bør gjevast til søknader som har blitt stoppa slik at søkjaren ikkje har fått utbetalt noko. Desse søkjarane står oppført på liste PT-1003. Mange av søknadane som har blitt stoppa, inneheldt feil som ikkje har blitt retta opp i løpet av saksbehandlinga.

Tilskotet er berekna ut frå innhaldet i søknaden kontrollert mot ulike register. Dersom søkjaren meiner å ha rett til ei høgare utbetaling enn resultatet av den maskinelle utrekninga viser, må vedkommande i samband med ein klage dokumentere at grunnlaget for den maskinelle utrekninga var feil. Dette kan t.d. vere leveringsrapportar frå slakteri, omsettingsledd for grønt, stamtavle for bevaringsverdige storfe, osv. Fylkesmannen kan overstyre opplysningar om tilknytning til Debio og forholdstalet mellom areal og dyr. Desse opplysningane vil bli nytta ved hjelpeutrekning, inputkontroll og etterkontroll av utbetalt beløp.

SLF vil i etterkant samanlikne manuelle og maskinelle berekningar, for å sikre at utbetaling av tilskot skjer i tråd med retningslinjene. Dersom kontrollen viser at det er utbetalt for mykje tilskot, skal dette betalast attende. Jf. forskrift om produksjonstilskot, § 14 og rundskriv 60/2007 om tilbakebetaling av for mykkje utbetalt tilskot og erstatning.

Rutine for manuelle utbetalinger vert distribuert til fylkesmannen i veke 7. Meir informasjon vert sendt som e-post til fylkesmannen.

Hjelpeutrekning

For å lette arbeidet med å rekne ut korrekt beløp for produksjonstilskot, tilbyr SLF hjelpeutrekning for registrerte søknader. SLF vil på gjevne tidspunkt rekne ut brutto tilskot på grunnlag av registrerte opplysningar oppdelt på aktuelle heimlar. Resultatet av utrekninga vert presentert for fylkesmannen i tilskotsbrevrapport PT-2210 og rapportane PT-890 og PT-891 som vert lagt på FM-sambandet. Fylkesmannen kan deretter nytte desse for registrering av beløp til utbetaling.

For at data skal kome med i hjelpeutrekningane, må registreringa vere avslutta innan kl 1200 dei datoane som er vist i tabellen under. Hjelpeutrekningane vert køyrd om ettermiddagen, og resultatata vil normalt vere klare dagen etter.

Frist for registrering	Resultat klart
Onsdag 11.2	Fredag 13.2
Mandag 16.2	Tirsdag 17.2
Mandag 23.2	Tirsdag 24.2
Mandag 2.3	Tirsdag 3.3
Mandag 9.3	Tirsdag 10.3
Mandag 16.3	Tirsdag 17.3
Mandag 23.3	Tirsdag 24.3

Frist for registrering av saker

Statens landbruksforvaltning k yrer utbetaling dagleg. Utbetalingane vert gjennomf rt med grunnlag i fylka sine registreringar.

SLF hentar alle registrerte saker torsdag **26. mars**. Alle manuelle utbetalingar b r vere gjennomf rt f r denne datoen. Data registrert etter denne datoen vert ikkje overf rt til SLF. Dette kan f  konsekvensar for utbetaling av tilskot etter s knad 20.01.2009 p.g.a. eventuell rest av botnfr drag, reduksjon p  grunn av alder til innehavar av enkeltpersonf retak og reduksjon grunna manglande milj plan. Fylkesmannen m  ta omsyn til dette.

Data fr  s knader som ikkje er ferdig handsama av fylkesmannen f r 26. mars, vert ikkje tilgjengelege i LIB, noko som medf rer mangelfullt datagrunnlag for oppslag, saksbehandling og utarbeiding av statistikk.

Med helsing
for Statens landbruksforvaltning

H vard Gulliksen
seksjonssjef

Sverre Saxeb l
seniorr dgjevar

Vedlegg til rundskriv 6/2009.**Døme på utrekning av areal – grovfôrareal i flere soner og avkorting av areal**

Eit føretak disponerer:

- 300 daa eng og beite (kode 210), 70 daa i sone 5 og 230 daa i sone 2
- 150 daa innmarksbeite (kode 212), 100 daa i sone 5 og 50 daa i sone 2
- 20 melkekyr

1. Avgrensing av innmarksbeiteareal

67 % av arealet i sone 5 og 33 % i sone 2

Faktor pr. dyr: $7,5 * 0,67 + 7 * 0,33 = 7,3$ daa

20 dyr gjev rett på tilskot for $20 * 7,3 = 146$ daa:

sone 5: $146 \text{ daa} * 0,67 = 98$ daa, normert med faktor 0,6 = 59 daa

sone 2: $146 \text{ daa} * 0,33 = 48$ daa, normert med faktor 0,6 = 29 daa

1 daa innmarksbeite = 0,6 daa fulldyrka, samme faktor i alle soner

2. Grovfôrareal i alt, etter avgrensing og normering av innmarksbeiteareal

Areal, daa	Sone 5		Sone 2		SUM normert
	Areal i søknad	Normert	Areal i søknad	Normert	
Grovfôr	70	70	230	230	300
Innmarksbeite	100	59	50	29	88 ³
SUM normert		129		259	388
I %		33		67	100

Maks. areal pr. melkeku: sone 5-verdi * 0,33 + sone 2-verdi * 0,67:

Grovfôr i alt: $15 * 0,33 + 14 * 0,67 = 14,3$ daa

For 20 melkekyr:

Grovfôr i alt: $14,3 * 20 = 286$ daa, areal avgrensens til 286 daa før utmåling av tilskot

Areal vidare fordelt på sone 5 og 2 før utmåling av tilskot:

Intervall	Sone 5 (33 %)	Sone 2 (67 %)	SUM
0-200 daa	66	134	200
Over 200 daa	28	58	86
SUM	94	192	286

³ avgrensa og normert

Døme på utrekning av husdyrtilskot, driftstilskot i spesialisert kjøttfeproduksjon, tilskot til dyr på utmarksbeite og tilskot til dyr på beite— foretaket driv på eidegom eid av samdriftsmedlem (eksempel med krav om 50% kjøttferase)

TILSKOT TIL HUSDYR :

Dyre- gruppe	Kode	Dyreslag	Tal dyr	Sats pr. dyr	Sats- intervall	Kroner
2-Storfe	117	Storfe kjøttfe	17			
	119	Storfe	25			
	Sum dyr i gruppa:		17	393	1 - 250 dyr	6681
5-Ammeku	118	Ammekyr kjøttfe	18			
	121	Ammekyr	31			
	Sum dyr i gruppa:		18	1670	1 - 16 dyr	
				1670	17 - 25 dyr	30060
Sum tilskot til husdyr					kr	36741

DRIFTSTILSKOT I SPESIALISERT KJØTTFEPRODUKSJON:

Dyre- gruppe	Kode	Dyreslag	Tal dyr	Kroner
5-Ammeku	118	Ammekyr kjøttfe	18	
Sum driftstilskot				kr 14760

TILSKOT TIL DYR PÅ UTMARKSBEITE:

Dyre- gruppe	Kode	Dyreslag	Tal dyr	Sats pr. dyr	Sats- intervall	Kroner
1-Storfe/hest	410	Beite kyr	14			
	420	Beite ungdyr	25			
Sum dyr i gruppa:			35 *	250	1 > dyr	8750

*) Dersom det er rapportert færre dyr på telledato enn på beite, er talet på dyr på telledato brukt som utrekningsgrunnlag. Dyr som ikke tilfredsstillter eventuelle krav til kjøttferase inngår heller ikke i utrekningsgrunnlaget.

Sum tilskot til dyr på utmarksbeite kr 8750

TILSKOT TIL DYR PÅ BEITE:

Dyre- gruppe	Kode	Dyreslag	Tal dyr	Sats pr. dyr	Sats- intervall	Kroner
1-Storfe/hest	411	Beite kyr	14			
	422	Beite ungdyr	25			
Sum dyr i gruppa:			35 *	250	1 > dyr	8750

*) Dersom det er rapportert færre dyr på telledato enn på beite, er talet på dyr på telledato brukt som utrekningsgrunnlag. Dyr som ikke tilfredsstillter eventuelle krav til kjøttferase inngår heller ikke i utrekningsgrunnlaget.

Sum tilskot til dyr på beite kr 27685